

正定縣志

吳贊周題



殿志 11

72379

1-8

地
132.105
37.1
1-8
升

正寧縣志

序

史系盛衰、宗而茲趙間則至明代始有
成書世遂有省志郡志是志之別此其
從常參考得之矣蓋省志挈其綱邑
志羅其目是猶編年之有傳序也郡
志括其詞邑志析其義是猶禮經之有
箋疏也故非邑志而省志失其詳郡志病

序

一

其畧事貴相需理宜互鏡然其足以維世
道而資治化者則從同正定密通畿輔襟
山帶河固儼然一大都會也其攷獻徵文
又為采風問俗者所自推而顧今舊典湮淪
遺徽榛莽莅治無以資炯鑒成俗無以示
法程諉者愚焉前志多湮滅其缺昭露每
有跼鶴續鳬之病刊板又剝蝕無可因是

宰廣君式如謀所以新之根據夙學按
羅逸事又捐貲為鄉里倡延訂廣文趙
君鯉門為秉筆廣文雅善文淹博冠士
林爰取舊志而擴充之增益之闕者補
之訛者正之冗繁而疎漏者釐定而脩明
之其體大故搜羅富其思精故義例嚴而
編次則一遵今

序

二

制軍合肥嚴相所頒條式別戶台門燦然
大備凡一邱一壑片碣殘碑其為古先哲
人之所為貽者靡不躬親而摩挲之蓋自
鉛槧諸篇校讐善本僅三寒暑而告成
視舊志已不啻倍蓰而什伯之矣今式如
擢蔚州去賈姓言大令來尹是邑素稱
廉明綜理精密因踵其事而括括成之工竣

請序於余辭不獲乃為之序曰風俗之繫
在人心心之或在簡冊昔歐史附昭國里乳
牯於柳班傳中古人之用心豈好為是瑣
瑣哉夫亦謂銘金者以模正木者以繩珠者
走而止以綏怨善勢而理以端人心雖善安
而訓之以忠孝節烈示之以禮文揖讓未有
不惕然有動於中者矣引於正微理安

序

三

其所定出治者準此以施其教受治者馴
至以庸其天則未之可闕豈淺鮮哉是役
也經始者為庶君式以歲事者為賈君叔
言綜括而條理之者為趙君鯉門得三君子
以闡舊宏規道揚盛典不獨二百年之
缺佚得有完書且使家置編而人守說目
染耳濡臻於

上理而余亦得簿書清簡相與歌詠夫
昇平是余之幸而又不僅余之幸也爰
綴數言以弁諸簡

光緒元年孟夏月上浣

賜進士出身候補道知正定府事黃安
劉秉琳謹識

重修正定縣志序

同治辛未

節相李

奏明續修畿輔通志勅府縣纂修志書以備
采擇頒發條款俾各屬有所遵循按正定舊
志前明萬曆四年始修於縣令周公應中天
啓七年續修於縣令李公挺舊本遺失摻訪
無從

序

一

國初順治三年縣令陳公謙復修之采訪多遺
體例亦舛

國朝事缺而未錄前朝事略而不詳且距今二
百餘年字跡模糊板片零落殘缺失次無可
因仍雖曰重修無異創始矣况縣為附郭首
邑政務煩劇兵農禮樂上下相維關係於縣
皆關係於府則縣志兼府志也明為省會巡
撫駐節典章制度施措愈繁關係於縣即關

係於省則縣志兼省志也事重且難為時又久修志於今日豈易言哉余恭承

憲檄何敢因循委為異人任爰於壬申三月籌經費立章程集紳董分司其事而總理秉筆則屬之趙君鯉門趙君前司鐸肥鄉與余共事二年曾任修縣志者也發凡起例考獻徵文前事以府志為憑後事以縣案為據舊家譜牒古廟碑文無不竭力摭求悉心考核

序

二

凡民風士習國典朝章田賦河防武功文治名宦鄉賢別類分門謹遵

節相所頒條款詳加編輯俾

國朝二百餘年事迹展卷瞭如前朝事亦補闕拾遺辨訛正偽足資考鏡庶幾質而不俚府志得所憑依信而有徵省志有所考據乎甲戌十月將赴蔚州新任志書雖已脫槁刊刻刷印尚未畢工及其成功不得不委為異人

任矣略述梗概弁諸簡端以志緣起云爾
時同治甲戌小陽月下澣古龍亢

慶之金謹題



序

三

重修正定縣志序

古者小史掌邦國之志外史掌四方之志志者誌也誌其事以出治道者也紫陽朱子任江浙閩廣時所在以修志勉郡守誠以事理之治忽制度之沿革人物之湮隱風俗之醞澆疆域之險易戶口之息耗以及戎祀食貨賦役之因革損益繫於國計民生者鉅得良有司起而修明之博採廣搜幾於大備俾出治者條理可尋端

序

一

委有據舉而措之無難矣正定為畿輔重地關河扼要拱衛

神京草木山川咸資潤色而顧今典章闕略而無稽文獻湮沈而莫攷其可乎前志刊於順治初迄今二百數十年矣援引敘次病簡率而鋟本亦漫漶腐滅不可識一邑之實錄無存伊誰之咎耶前宰慶君式如因集貲謀重修特延趙君鯉門為總纂袁而輯之沈君斐卿為協修又以

都人士之膽才藻者分司校讐參訂諸職趙君
司鐸郡庠邃於經術者也荒齋敝榻終歲編摩
閱三寒暑而歲事蓋自朝章國典土俗民風義
烈孝行詞章功業稅引驛站之屬別戶分門網
羅散佚其間訂訛者十之一二擴充者十之三
四補亡者十之五六而藝文一志各綴其辭於
本文之末河渠書尤薈萃諸篇貫穿羣籍舉數
百年疏導濬滄之功著為圖說無有滲漏謂夫

序

二

水患除而後水利興異日營田開墾諸大端肇
基於此其用意至深遠矣夫居其地而不能明
晰其掌故者當官之恥也攬其籍而不能導揚
其盛軌者又守土之疚也今全書已脫稿付剞
劂余取而讀之見夫洽而賅典而則文而膽且
義有予奪辭有激勸事有綱領前者創而後者
因庶士大夫益以禮義相維而小民亦得日變
其猥急木彊之性謂非宰是邑者之幸歟至於

體例之嚴蒐討之富參酌之精編次之審固足
備輶軒之採擇而為我

朝億萬年信史之徵又何待余之贅述也哉是為

序時

光緒元年三月中浣知正定縣事山左賈孝彰

謹誌

序

三

重刊正定縣志序

周官內史掌邦國之志外史掌四方之志是郡邑之有志由來尚矣然歷代相乘纂為成書者蓋鮮沿至宋時始令郡縣編輯志書而詳其風土人情焉夫志者誌也誌其一邑之山川形勝土地肥瘠人情淳薄禮俗美惡以及戎政祀典田賦差徭疆域之廣袤制度之沿革古蹟之興廢文獻之考徵在在與政教有關閱其載籍即

序

一

可明其治亂興衰之道焉正定為古常山郡恒山倚其北滹水帶其南土地平行頗具形勢之勝槩晚近以還鐵軌構成交通便利益稱冀省之重鎮曩昔事蹟府志可稽惟縣志一書溯自有清同治年間經府教授趙君鯉門纂輯後迄未續修民國二十年邑令程廷恒君曾延請士紳開館續纂乃稿甫脫尚未付梓即遘事變盡燬於火歲丁丑余承乏鄉邦退食之餘慨桑梓

之淪燬懼文獻之無徵惄焉憂之而思有以補輯之道卒以事故紛沓未遑顧及今者邑人劉君顯甫繼任攝篆治理之餘訪得舊志一帙蓋自兵燹以來即此舊志殆亦同鳳毛麟角劉君以印本日稀特為重刊用廣流傳刊成問序於余余既嘉劉君之網羅遺文其志可尚且補余志之未逮抑尤有進者舊志之編成迄今垂六十餘年其間時代之遞遷與夫風物地理之變

序

二

遷政治一切之改革可資掌故者當復不少深冀劉君撫字催科之餘邀諸士紳旁蒐博訪取其信而有徵者踵程令之故實而更為續補之俾備一方之志乘此則不惟余素志之所願其嘉惠於地方之文獻當亦無涯涘矣是為序

中華民國三十年三月吳贊周

重刊正定縣志序

從來郡縣之志最難稽考者莫如沿革一門而志書之存廢亦多因沿革為轉移也吾正定自漢以來或為國或為郡或為州或為府為縣皆不能無志惟因其代有更變而舊志轉不得存焉勢使然也民國後政府議修通志檄各縣徵集志料吾邑編輯甫將成書而燬於兵火歲戊寅縣長吳公晉攝道省篆余適承乏縣事每擬

序

一

搜羅文獻賡續成之而我馬倥傯不暇及焉今者劉君顯甫繼宰吾邑覓得舊志一部慮其傳本日稀特為重刊一面將邀地方耆舊開館重修俾同治後數十年中地方政治之變遷人物風俗之更替採訪而補入之使後之人得以稽考而不致泯滅功何偉焉劉君是舉也如獲我心今余自慙小試鉛刀卒不成用而益劬劉君學優才富游刃而有餘也此特守土者之一事

至撫字催科澤及四境更當為吾桑梓幸矣辛
巳仲春曹敬菴識於保陽

序

二

重刊正定縣誌序

古者經以樹法史以紀事法齊則綱紀張事周則邦家治中國沿有四千餘年之歷史道德輝煌文化燦爛胥賴經史垂範有以致之是知縣之誌乘即經史之流亞也嘗考縣誌雖屬一邑之記載然制度之推沿人事之隆替形勢之險易戶籍之消長風俗之醞薄以及災祥豐歉賦役因革靡不悉具其繫於國計民生者至鉅而

序

一

裨益於治教者尤屬至切也正定古為趙地接壤齊燕襟山帶河形勢扼要秉恒山之秀挹滹水之光歷代英俊輩出祥被時現按諸邑誌絢爛可稽夫舊誌所載始於漢而止於清之同治間此後歷經光緒宣統兩朝繼以民國肇造遞達民國廿年久未續修而此五十餘年之地方誌略缺焉未補適是年縣長程公廷恒來知縣事慨以恢復地方文獻為己任乃糾合地方紳